


# PËLLUMB KULLA

BIBLIOTEKA  
SHTETIT

JH-2  
= 98



skeçe  
monologë  
pjesë me një akt

814-2  
E 98

# PËLLUMB KULLA



20/25.

EPE SHTOGU  
NË LISTË...

Skeçe

monologë

pjesë me një akt

## TAKIM NË RRUQE

ARBENI — drejtor

NEVRUZI — shoferi i tij

STATHI — nëpunës i dërguar në prodhim

Një rrugë fshati. Gazi i fermës është pri-  
shur dhe Nevruzi mundohet ta ndreqë. Ar-  
beni i rri pranë.

NEVRUZI — Ptu!... Na hapi punë. Është çarë go-  
mina, shoku drejtor. Nuk kam as rezervë!

ARBENI — S'te ndodhet ndonjë shuall?... Në oficinë  
këto i riparonim gjithnjë më shuall të zakon-  
shëm.

NEVRUZI — Nuk kam. Në këtë rrugë fshatit, nuk  
kalojnë as makina.

ARBENI — Atëherë, hidhu në xhade, dhe prit  
ndonjë shok tëndin. Ndërkohë unë po e  
çmontoj. (Merr kominoshet e Nevruzit.)

NEVRUZI — Jo, jo, shoku Arben. Në asnje mëny-  
rë! (I tërheq kominoshet.)

ARBENI — (*Duke i tërhequr edhe ai.*) Pse?

NEVRUZI — Po e teprojmë më duket. Kjo është puna ime... Ohu! Çmontimi ka telashe. Duhet futur poshtë... Mos harro se je drejtor! (*Ia merr përsëri kominoshet.*)

ARBENI — Dhe ti mos harro se jam mekanik më të shtatën. (*Duke ia marrë përfundimisht kominoshet.*) E kur prishet makina, unë s'do të rri të marr pozat e drejtorit... Nisu. Na merr edhe cigare atje në klub.

NEVRUZI — Të them të drejtën, shoku Arben, po më tallin shokët. Lum ti, thonë, ti je i vëmi shofer që e ke gjithnjë mekanikun me vete. Ika! (*Del.*)

*Nevruzi largohet. Arbeni nxjerr çelësat, fillon të vishet. Stathi me pantallona përveshur, me një bicikletë për dore i afrohet.*

STATHI — (*Mbështet bicikletën në një pemë.*) Statistikat thonë se në çdo tridhjetë kilometra do të gjesh një shofer duke riparuar makinën. Dhe unë gjeta tamam makinën që më duhet.

ARBENI — Përse ju interesojnë makinat?

STATHI — Mua më interesojnë drejtorët. Dhe në këtë rast interesohem për drejtorin e fermës, shokun Arben. Ku është? S'po e shoh.

ARBENI — Hm... Shkoi të blejë cigare.

STATHI — Po e pres... Më së fundi, e zura. Nuk e gjen në zyrë në asnjë mënyrë. Nuk kam hasur njeri të tillë. Shtatë ditë rrësht, unë në orën shtatë te dera e zyrës — ai hiç! Dera me kyç. Rrezik t'i ndryshken menteshat. Më thanë që del nëpër sektorë. O burra

unë nëpër sektorë! Unë në sektorin një, ai te treshi! Unë te treshi, ai te njëshi! Unë kthehem te njëshi, ai, fësht, te dyshi! Thonë se ka qenë, hm mekanik.

ARBENI — E, mekanik.

STATHI — (*Duke qeshur nën hundë.*) Mekanik, hm...

Djalo! Administrata është art më vete. Të drejtosh një ndërmarrje, duhen aftësi të veçanta. Nuk ke të bësh me vidha... me... pinca! Ja, edhe ti që je një copë shofer, mund ta kesh nuhatur sa vlen ai. Si të duket? Vërtet që punët e fermës i ka vënë në vijë, po mekaniku mekanik është! E? Ia thotë? E, thuaje... Po hapur ama.

ARBENI — Cili je ti?

STATHI — Hajde se nuk na del fjala. Dhe unë i fermës jam!

ARBENI — I fermës? Ku punon?

STATHI — Asgjékundi akoma. Kam qenë në një ndërmarrje, në administratë. Më qarkulluan në fermë.

ARBENI — Në fermë? Që të forcohet puna?

STATHI — Jo. Që të forcohem unë.

ARBENI — Të dërgoi kolektivi?

STATHI — Po, po! Më emërtuan burokrat. Të vejë në prodhim, thanë. U votua: nëntëdhjetë e nëntë pilkë tre për qind, ishin pro, zero shtatë vër qind kundër.

ARBENI — Cili qe ai që votoi kundër?

STATHI — Unë. Zeroshtatëshi!

ARBENI — (*Duke u futur nën makinë.*) E di q'them unë, shoku zeroshtatësh? Drejtorin mos e ndiq. Ai do të vijë vetë atje ku do të punosh ti. Ti fillo!

STATHI — Pa biseduar me të?! Në asnjë mënyrë.  
E bukur këshillë! Flet kaluar ti, o shofer vëllai, se ma ke drejtorin një pëllëmbë larg dhe ta sheh punën.

ARBENI — E mo, se puna duket kudo që të jesh.

STATHI — Duket, s'them jo. Po më mirë kur ta sheh direkt drejtori... Ja, t'i je futur nën makinë, je ngallosur me vaj. Ngallosu, më shumë ngallosu! Punë e madhe!... Po ama të sheh drejtori. Punon, thotë.

ARBENI — Jo, more! Dhe unë i marri, shumë defekte shkoj e i riparoj natën kur s'më sheh ai!

STATHI — Jooqo! Jo, dëgjomë mua! Bile, bile, ndonjëherë në mes të rrugës ndale makinën: gërdap! U prish, thuaj. Kot! Futu poshtë makinës... Kot! Gjoja ka defekt!

ARBENI — Mirë thua. (*Gjoja duke u kujtuar.*) Uuuu, po ai është vetë mekanik!

STATHI — Ishte!!! Tani është drejtor. Më thertë mua po u përkul një gisht. Hic, ore, fare! T'i them këto se janë sekrete të eksperiençës sime me drejtorët. (*Psherëtin gjatë.*)

*Pauzë. Arbeni punon.*

STATHI — Si sillët ai, mo?

ARBENI — Kush?

STATHI — Drejtori.

ARBENI — Çka, mirë.

STATHI — Një shok imi thoshte që në çdo shtatë drejtorë, njëri është brutal.

ARBENI — Ndryshojnë statistikat, shoku zero...

STATHI — Shoku Stath!

ARBENI — Ndryshojnë, shoku Stath. I përmirëson koha.

STATHI — A! Statistikat kanë logjikën e tyre, shoku shofer. Unë u besoj pa rezerva. Për shembull, ca kohë punëtorët ankokeshin se disa nga dushet e banjave ishin blokuar. Unë s'lëviza nga zyra. Në fund të muajit pashë faturën e konsumit të ujit: ankesa kishte qenë e drejtë. Mora masa!

ARBENI — (*Duke dalë që poshtë makinës.*) Shiko, shiko! Po tani, çfarë ke ndër mend t'i thuash drejtorit?

STATHI — Do të më ndihmosh?

ARBENI — (*Konfidencial.*) Në çdo tre shoferë drejtorësh, njërit i ecën fjala te drejtori.

STATHI — Vërtet? (*I afrohet.*) Mbësë ka ndonjë punë të vockël.

ARBENI — Ka, posi! Patjetër ka.

STATHI — Po punë ka, unë e di. Po një punë... zyre! Unë s'kam pretendime për zyrën. Absolutisht! Se do t'i duhem. Do ma ketë nevojën.

ARBENI — Nevojën nuk besoj të ta ketë.

STATHI — Ehë. Eksperiencia ime...

ARBENI — Ajo është një eksperiencë pa vlerë. Shoku Stathi, ti bie erë që atje tej që je burokrat!

STATHI — Burokrat the ti, apo s'jam në rregull me veshët?

ARBENI — Jo, jo! Ke veshë të mrekullueshëm.

STATHI — Dua dru unë që vete e bisedoj me ty! Ku merr vesh ti, more! Një copë shofer je aty!... Unë i qaj hallin, ai... Po mirë thonë; në çdo katër shoferë, një është i pasjellshëm... Si s'pata fat të gjej ndonjë nga ata tre të tjerët.

ARBENI — Dëgjo, shoku Stathi!

STATHI — As që dua të të dëgjoj. Njeri pa takt. Dukeš që nga kominoshet ti!

ARBENI — Unë dua të të them...

STATHI — Hiç mos më thuaj!... Qepe! Shtërgingo timonin, djalosh, e mos fut hundët atje ku s'të takon! Oj! Unë po pres drejtorin. Ah, ja ku po vjen! (*I del përpara Nevruzit.*) Me leje?

NEVRUZI — Hë, vëlla, si e ke hallin?

STATHI — Ju falemnderit për shprehjen «vëlla»! Unë dua të bisedoj me ju.

NEVRUZI — Një minutë, sa t'i çoj gominën drejtorit.

STATHI — Çojani. (*Perception me vonesë.*) Eh? Drejtorit?!

NEVRUZI — (*Arbenit.*) Merreni, shoku drejtor. Po më fal se më kërkojnë. (*Stathit.*) Urdhëro, vëlla!

STATHI — More, lëre vëllanë se s'po merret vesh këtu. Unë s'po dalloj cili është shofer e cili drejtor. Ore, unë dua të bisedoj me Arbenin!

NEVRUZI — Ja Arbeni. Këtu e kishe. Nuk biseduat?

STATHI — (*I dërrmuar.*) Biseduam!


ARBENI — Biseduam.

STATHI — Biseduam. (*Arbenit.*) Shoku Arben! Unë i marr mbrapsh fjalët që thashë.

ARBENI — Kurse unë të miat jo. Shkoni, shkoni, shok... Filloni punën. Ajo është e nevojshme për ju.

STATHI — Hm... Në çdo tre keqkuptime...

ARBENI — Në çdo shtatë burokratë, patjetër duhet  
të shkojnë në prodhim që të shtatë!



## E PROVOI NË KURRIZIN E TIJ

BABAI  
NENA  
DJALI  
DREJTORI I KANTIERIT  
NORMISTI

*Ngjarja zhvillohet në një apartament të ri  
të porsadorëzuar. Pjesëtarët e familjes po  
nojnë për pastrimin dhe sistemimin e dho-  
mave.*

BABAI — Luajini pak duart se do të na vijë për  
urim drejtori i kantierit me normistin.

NENA — Nuk po 'ngopem së pari shtëpinë e re...  
Tani do të martoj dhe djalin... Këtë dhomë  
do t'i japim djalit me nusen, ë?